



Universitätsbibliothek Paderborn

Defensio Abbatiæ Imperialis S. Maximini

Zyllesius, Nicolaus

Treveris, 1638

§ II. Non fuit conditum præfatum Monasterium in territorio vel fundo S.
Petri.

urn:nbn:de:hbz:466:1-14268

tis privilegijs & immunitatibus per Romanos Imperatores & Pontifices ornatum.

Et ne leuiter hæc dicta ab Enenio existimes, scias libellum hunc Metis anno MDXIV. sumptibus Matthiae Häne Bibliopolæ Treuirensis impressum apud Casparum Hochfeder/ permissione & concessione Archiepiscopi Treuirensis Richardi (cui etiam Libellus inscriptus est) ut patet ex libelli initio & fine.

I nunc scriptor & dic Annales Treuirenses referre, quod S. Agridius Ecclesiam S. Maximini in fundo S. Petri ædificârit. Nam vnde quæso illo tempore, quo Ecclesia Treuirensis grauissimis Diocleriani & eius Præfecti Rectiouari Vastationibus exhausta, vix dum respirabat, S. Agridio Antiocheno tantæ opes, ut Ecclesiæ eiusmodi ædificaret & dotaret? Animam magnus ille Sanctus auream, pedum ligneum & eburnum, vti illo æuo solebant Episcopi, gestabat. Constantini Magni Imperatoris opus illud fuit, qui vti Romæ & alibi, ita Treuiris quoque Palatia prophana in Ecclesiæ transmutari iussit. Quem cum fatigaris fuisse benefactorem, quid quæso causæ adferre potes, Cur non agnoscas & fundatorem huius Ecclesiæ?

At inquis, Annales dicunt S. Agridium ex Palatio construxisse Ecclesiam S. Ioannis. Quid tum postea? Eodem loquendi modo vñus est author Annalium, cùm dixit Ecclesiæ Metropolitanam à S. Agridio è Palatio Helenæ construētam, an tu inde concludes illam à Sancto ædificatam? non opinor, sed prophanum templum vel Palatium vñibus sacris aptatum, hac loquendi forma scriptores indicant.

S. II. Non fuit conditum præfatum Monasterium in territorio vel fundo S. Petri.

CV M ex autographis sive Originalibus Dagoberti aliorumque sequentium Regum & Imperatorum Diplomatis iam ostensum sit, Monasterium S. Maximini olim fuisse Regale templum & Basilicam quandam Constantini M. Deo per S. Agridium dedicatam, quis credit Annalibus Treuirensibus, aut quibusunque alijs testimonij, si afferant illud conditum fuisse in prædio seu fundo S. Petri, nisi solidissimis æquè ac Originalibus documentis prætensa ea assertio sit subnixa, quæ nunquam, vti ex dicendis patebit, profertur.

Evidem meminisse oportet eius, quod paulò ante attigimus, Templum Metropolitanum S. Petri à S. Helena Imperatrice originem eodem tempore, quo Maximianum S. Ioannis Apostoli, duxisse (sedes enim Episcopalis ante ista tempora in S. Eucharij Cella, hodieque S. Matthiae, fuerat) & vtrumque sub Constantino M. ad instantiam Matris Imperatricis à S. Agridio magnis illis Apostolis Petro & Ioanni fuisse consecratum. Ita habent Annales Treuirens. supra allati, fauet traditio, & picturæ antiquæ templi Metropolitanani. Quis verò credit fundum in quo Basilica Constantini Imperatoris structa erat, Iurisdictioni Ecclesiæ S. Petri, quæ Palatium Helenæ Imperatricis fuerat, subiectum fuisse? si qua inter has duas Ecclesiæ subordinatio aut subiectio imaginanda foret, nonne potius Imperatricis fundus Imperatoris Basilicæ subditus fuisse, quām è contra.

Quid si verò dicamus, Ecclesiam S. Ioannis Evangelistæ prius à S. Agridio sub Constantino M. dedicatam, quām illam S. Petri, quo argumento, aut quibus testimonij nos acutè Scriptor conuinces? militabit sanè pro nobis probabilis ratio, quia æquum erat & decens prius Imperatoris Palatium dedicari, quām Imperatricis. Hoc verò posito: quomodo tueberis id, quod dicens, à S.

Agridio

Agritio Ecclesiam S. Ioannis in fundo & territorio S. Petri ædificatam. An nobis persuadebis territorium Ecclesiae S. Petri fuisse, antequam esset Ecclesia S. Petri? Ad hæc, non modo probandum tibi incumbit, quod Ecclesia S. Petri prius, quam illa S. Ioannis fuerit dedicata, verum etiam, quod illo tempore, quod grauissimis persecutionibus Diocletiani & aliorum Tyrannorum proximum erat, Archiepiscopi Treuirenses Iurisdictionem temporalem & territorium ei respondens, habuerint, in quo demonstrando non modice, mihi scriptor, desudabis.

Certè si coniecturis, qualibus tu n. 5. niteris, momentum in re tam graui tribendum foret, longè apparentiores ex prima Metropolitanæ & Maximinianæ Ecclesiae origine pro nobis reperirentur, quam pro tua prætensione, sed tam labilibus & leuibus argumentis, nos immediationem in temporalibus, & exemptionem in spiritualibus non stabilimus; sed certis, veris ac solidis ijsque originalibus Imperatorum ac Regum Diplomatis, Decretis, Sententijs, ac rebus iudicatis, quorum veritate & certitudine omnes præsumptionum ac coniecturarum umbræ dissipantur, ut tenebrae ex oriente sole.

S. III. Primos Monasterij S. Maximini incolas fuisse Religiosos.

ID luculentè decernit Dagobertus Rex in saepe citato Diplomate sub Nu. 1. Quid enim aliud indicant sequentia eius verba, *Imperator pauperes Christi congregauit, eisque virum Dei Ioannem præposuit, ut in seruitio Dei semper vacarent, & pro se orationibus insisterent.* Omnia hæc Religiosos illos fuisse clamat, nam pauperes Christi erant, & congregati, idque sub uno superiore Praeposito vel Abbatे, consequenter obedientiam & paupertatem profitebantur, quæ sine castitate subsistere non poterant; finis etiam indicatur, qui ynicus Religiosis illius temporis præscriptus erat, contemplatio summi boni, ac diuinum seruitium, iugisque oratio. Nam, ut ex Ecclesiastica Historia notum est, Religiosi & Monachi illius ac sequentium sæculorum Sacerdotes non erant, sacramenta non administrabant, populum Christianum non docebant, vnde illa Hieronymi, *ad Riparium contra Vigilantium, & Epistola 1. ad Heliodorum*, vide can. Placuit & seqq. 16. q. 1. aliorumque PP. ac Ecclesiae DD. Monachus, non docentis, sed plangentis officium habet, Item Clerici pascunt oves, Monachi pascuntur &c. Omnia itaque ad Religionis essentiam requisita in supradictis reperies, finem status Religiosi, & tria essentialiter ad illum requisita. Paupertatem, Castitatem & Obedientiam.

Hoc ipsum quoque non obscurè significat id, quod ait, Virum Dei Ioannem pauperibus Christi Præpositum, fatentur autem ipsi Annales Treuirenses, quos pro suo fundamento Scriptor libelli citat, Ioannem illum fuisse Monachum Orientalem, nimirum Antiochia Vrbe Syriæ profectum, ac deinde Roma ad petitionem S. Helenæ à S. Agritio Treuiros deductum. Antiochiæ vero illo sæculo floruisse Monachismum constat ex Hieronymo, Theodoroco alijsque priscis & recentioribus Scriptoribus. Dicere iam in illo S. Ioannis Cœnobio collocatos fuisse Sacerdotes non religiosos (quod certum dicit esse author Libelli) eisque præpositum fuisse Ioannem Monachum, quid hoc aliud est, quam maximam indecentiam in Ecclesiastica Hierarchia admittere & ignorantiam summam sacrae historiæ ac Iuris Canonici profiteri? Nam in Ecclesia Regulares non imperant clero sæculari.